



Telefericas attractivas tuot onn en Engiadina

Ina retschertga tar las telefericas en Engiadina conferma che las telefericas èn bain frequentadas er la stad.

7



Menga Dolf expona en Val Schons

Dacurt ha gi lieu a Donat en Val Schons in'exposiziun da Menga Dolf en il rom dal project 555Val Schons.

9

DIE SÜDOSTSCHWEIZ

LA QUOTIDIANA

Redacziun: Via comerciala 22, 7007 Cuira, tel. 081 920 07 10, fax 081 920 07 15

Tendenzas da dictatura tier la Spitex Foppa?

■ (anr/gv) La Spitex Foppa ha nudau ils onns vargai in grond diember da midadas da persuasal e sco ei para ein buca tuttas personas idas en pasch. Dapi liung temps ei l'organisa-ziun da spitex da varga 30 vischnauncas confruntada cun critica ch'ei vegni fatg mobbing ed oravontut criticau la direenziun da dictatura e da nepotissem. L'Agentura da novitads rumantscha ha confruntau il president dall'organisa-ziun *Franco Hübnér* cullas reproschas fatgas da pliras

varts. El ha defendiu igl engaschi dall'organisa-ziun, denton era puntuau ch'el prendi serius las reproschas. Sin fundament da sias explicaziuns eis ei da supponer che las reproschas ein buca niev per el. Aschia ha el menziunau las stentas fatgas el decuors dil davos temps. Quei ei denter auter luvratoris cul cader per tscherchar in detretschament dallas incumbensas. *Franco Hübnér* ha plinavon empermess ina analisa interna cun in sustegn eventual d'ordeifer.



Rudolf, in diils dams ord la tratga da tscharvas da Vignogn. FOTO S. ROTHMUND

Rudolf ei il pli bi

■ (anr/sr) Dadens Vignogn seferma beinenqual automobilist ni viandont per contemplar in'uriala il dafar dallas tscharvas da *Riccarda e Marcel Cadalbert* che vivan leu en in grond curtgin. «Rudolf ei il dam il pli bi», ha *Riccarda* manegiau a caschun da mia viseta. Rudolf, cun siu pegl clar-brin cun tachels alvs, ei buca mo bials, mobein era

fetg dumiastis e vegn neutier sco in diils emprems per batlegiar in toc paun ni meil. Il capo dil rosch ei denton buca Rudolf, mobein *Stroli* – il taur d'allevament. Pils *Cadalberts* ei la tratga da tscharvas dapi biebin in onn in hobi ed els gaudan d'observar lur dafar e lur svilup.

> PAGINA 5

L'Hotel Waldhaus da Segl a Tschlin

■ (anr/mdp) Üna tschaina per gourmets in sala polivalenta da *Tschlin*, imbellida cun producziuns musicalas e sco dessert amo ün bal: Quai es il program da l'occurrèza *Waldhaus Sils meets Tschlin*. Quista sairada ha lö in gövgia, als 29 lügl. L'intent da quista sairada illa sala polivalenta da *Tschlin* es da dar als giuvenils l'occurèza da preschantar lur talents musicals e culinarics al public interessà. Sco musicists sun preschaints quella saira per exaimpel uffants

dals frars *Janett: Sara Bigna da Jachen; Cristina, Madlaina e Niculin da Curdin e Braida da Duri Janett*. Preschaintas saran eir la chantadura *Rezia Ladina Peer* da Ftan e la violinista *Flurina Sarott* da Scuol. Da tschella vart cuschinan e servan üna deschina da giarsunas e giarsuns cuschinunzs üna tschaina per gourmets. L'iniziant da quista occurrèza es *Angelo Andina* chi ha pisserà pels contacts necessaris.

> PAGINA 7

Per la quarta ga in'opera

Sursaissa avon la premiera da Nabucco

DA HANS HUONDER / ANR

■ Da 2006 entochen 2008 ei l'uniun Opera Viva Sursaissa sepresentada treis gadas cun operas alla tribuna. Ussa suonda in'ulteriura, numnadamein *Nabucco* da *Giuseppe Verdi*. Sonda proxima, ils 24 da fanadur 2010 ha liug la premiera dil toc a Cuort. Sur la direenziun artistica da *Gion Gieri Tuor* e la reschia da *René Schnoz* sepresentan il Coro opera viva ed igl orchester *Giuseppe Verdi* alla tribuna. El decuors dallas proximas jamnas vegn l'opera presentada org ulterius gadas. Dapi in onn ein ils organisaturs ed interprets lundervi da sepreparar per il beinreussir da quei arranschament da muntada regionala. Ina dallas diras nuschs pertucca la finanziaziun digl entir menaschi. Sco quei ch'il president dall'uniun Opera Viva Sursaissa, *Martin Candinas* da *Rabius*, ha detg enviers l'Agentura da novitads rumantscha, importa la sviulta per quei arranschament rodund in milliun francs: «Senza il grond sustegn da



Sonda ha liug a Sursaissa la premiera dall'opera Nabucco.

FOTO J. MENOLI

biars sponsurs e donaturs fuss quel buca realisabels ella fuorma prevedida.» Dallas totalmein rodund 6000 entradas ein 5900 gias vendidas. Rodund ina tiarza dallas visitadras e diils visitaders deri-

va dalla Bassa. Consequentamein generescha l'opera danovamein entradas al commerci indigen, per exempel la hotellaria e la gastronomia. Per *Martin Candinas* eis ei denton era d'eminente im-

purtonza da saver presentar musicistas e musicists indigens: «La Surselva ha in immens potenzial musical.»

> PAGINA 3

«Ils fragliuns nairs» sco musical

■ (anr/vi) L'enconuschent roman «Die schwarzen Brüder» vegn damaun a *Walenstadt* sco musical sin tribuna. Enfin ils 21 d'avust èn planisadas 25 preschaintaziuns. Il musical vegn dà sut tschiel avert – a la riva dal *Lai Rivaun* ed avant la culissa pomposa dals *Churfürsten*. «Die schwarzen Brüder» tracta da l'amicizia da mats tessinai che ve-

gnan vendids a Milaun e ston lavurar là sco spazzachamins. Il roman da *Lisa Tetzner* sa basa sin fatgs istorics. Tschiantaners a la lunga han paupras famiglias tessinaias tramess uffants tanter 6 e 14 onns en l'ester, nua ch'els han stui raiver sco scuas viventas en ils chamins.

> PAGINA 2

Sur colms e munts – in viadi medieval

■ (anr/gns) Per tschintg deis on igl *Parc Ela* e l'uniun da castis digl *Grischun laschea reveiver igl taimp medieval*. Ena gruppa vistgeida scu avant 500 onns è viandada da *Lai a Casaccia* accumpagnada da dus berniers. Igl intent da chel viadi medieval è sto da far pi ancunaschaint la regiun digl *Parc Ela* cun tot las sias bellez. Tot tenor etappa è igl inte-

ress per l'occurrèza sto grond. Infurmaziuns on igls participants ratschet da persungas cumpetentas tgi s'occupeschan gio dadei cun l'istorgia digl taimp medieval. Tras la regiun digl *Parc Ela* magna era la *Veia dal Sett*, avant 500 onns egna dallas colliaziuns principalas tranter nord e sid.

> PAGINA 5



Suenter bieras emnas s'inscuntran ils dus amis *Giorgio* ed *Alfredo* puspe.

FOTO A. METTLER



Cun lour costumes on igl cont e la sia suita procoiro per atenziun.

FOTO G. N. STGIER



Servetsch d'abunents e da distribuziun: tel. 0844 226 226 mail: abo@suedostschweiz.ch